

日沙園集

欽定四庫全書



日涉園集卷六

宋李彭撰

七言古詩

晨起

晨起按行瓜芋區園豎畦丁  
 爭殿最躄鴉墀底未輪囷  
 蒲鴿藤間懸釣帶錦里先生  
 態度同青門故侯風味在  
 肥家敢望李衡奴擊強安用  
 任棠薤累人僅解口腹嘲  
 賞酒可免尋常債含毫初不  
 為矜竒遣興聊須風雨快

韓熙載宴客圖

紫微華屋桂為梁中有侍兒宮樣粧  
閉門投轄醉短舞牛馬因風兩相忘  
翠翹掛冠真細事必能作賊無顧忌  
堂上燭滅何足云亦期羽林射鵬子  
當年誰遣轉鴻鈞終與哀榮厚恩禮  
西風猶吹建業水直恐姦魂污清泚

次山谷答范信中韻

范君膽勇如季路三穴笑談空狡兔  
銳頭初無儒生酸果呼下邳換雙屨  
往年風義公獨許藥裏追攀險艱處

公隨瘴葉落瘴鄉買舟反骨勞君去  
少陵未築耒陽墳尚喜宗文有環堵  
人生萬事何所無極目登江鎖寒霧

賦張邈所畫山水圖

異時頗愛宋元君踏門畫史如雲屯  
紙筆和墨大早計解衣槃薄全天真  
夢澤張侯飽閒暇直疑胸中有成畫  
酒酣耳熱呼不醒澹墨淋漓疾揮灑  
誰為右轄賦招魂遠道酸寒鄭廣文  
怪底高堂見丘壑欲攀松蘿尋石門  
咫尺終南與王屋翩翩不下如黃鵠  
水南水北索價高

欲浪猶歌紫芝曲張侯愛畫入骨髓脂遮眼良有以  
筆端刻意寫遺民要似留侯赤松子如聞可及用王明  
會須添作頁公喜

賦米芾所畫金山圖

憶昔扁舟帆正落揚子江頭風浪惡江心樓臺渾欲沉  
不獨能高瓦官閣晚山接天波面平白鷗去邊鐘磬鳴  
雲昏上頭不可到往來余懷今未寧楚狂澹墨掃絹素  
澄神卧遊知處所欲披霧躡尋野僧反向煙汀辨江樹

新詩葱蒨工於畫川岑想像高堂掛驂駟絕塵走千里  
何勞遠處幽并夜漸到潯陽不復前安得仙山來眼邊  
斷非毗耶掌中取真疑壺公謫處天新詩妙畫真有益  
張衡南都能畢力不知此詩氣峭率却使丹青句中識  
小憩琵琶亭呈環中養正

香山居士骨已冷文采風流今未選捍撥何勞作胡語  
寒江碧月想前朝濤波竟夕相喧逐吳檣楚柁爭傾歌  
老天何暇知許事但飲松醪魚蛤蜊



客有以戲魚竹枕見餉作此謝之

蘄州竹笛含風漪縹瓷斲月聊相依白頭苦風癡女問  
歲晚乃知非所宜公從何處得此枕勁節儲霜餘凜凜  
遊戲真同赴壑魚小窓夕陽助酣寢餌甘鈎深安可圖  
長網橫江嗟已踈我寧低昂弄清泚絕勝縷切大官厨  
莫作枯魚過河泣寄聲魴鱖慎出入長伴幽人策笠眠  
夢破寒沙風雨急

同子蒼放船南山石壁下

南山修源何所似顧癡鋪張側釐紙酒酣漱墨風雨來

咫尺煙昏

一作雪

生萬里韓侯靜者妙英姿乃呼扁舟共

遊戲我曾正墮善幻中叩舷歌呼但霑醉寺下回潭疑  
不流中有卧石如替虬孤峰已銜半規日連山倒垂波  
底浮韓侯風雅才甚優胸中何止吞萬牛未向承明草  
蓮燭小留南國馴沙鷗會須喚仗入天陛尚憶谿邊橫  
小舟但願故人俱厚祿平子不妨吟四愁

何生復用塗字韻喜予從東坡遊作三篇見寄

次韻答之後篇東劉壯輿

嶠南將成金匱書喜又賜環香拂塗萬釘圍腰乃為崇  
慣作曜仙多槁枯元符相國泣前魚長流百粵復羌胡  
周漢二宣果明哲金玉王度復闕渠

東坡十年作謗書多情杖屨作歸塗雪堂公去頗削迹  
來禽青李皆已枯秋風醉索武昌魚脚敲兩舷聲函胡  
只今諸生典刑在他日期公游石渠

冰玉堂前十國書君能讀之行坦塗一洗談天千古舌  
呂梁大壑何時枯願君不用校魯魚亦須調笑酒家胡  
玉局仙翁無浪語大禹以來未有渠

喜二何從山谷遊復用塗字韻詩

水部諸郎躉尾書浩翁杖履傲當塗斑斑束笋門下士  
梘貌蠟言頻笑枯翰墨瀾翻縱壑魚風采灑落鳳棲梧  
寄語南州雙白壁從今價重百車渠

張僧繇畫胡僧看經

蒼崖倚天暝色起風微榭葉藏孫子老僧龐眉雪覆額

金定四庫全書 卷六  
梵音清遠發皓齒向來萬法出此經行行春蚓紆黃紙  
覲面相呈事儼然歸雲欲渡前溪水

題夏氏萬賞亭

公家文莊佐縣官萬國朝宗天不言桂梁蘭室治私第  
鳩鵲建章爭絕倫昭華穠李態度新綠尊翠杓羅縠紛  
人歸夜臺金狄泣一種風流今尚存小君家聲自陰后  
五侯四貴印如斗渠渠夏屋幾百椽誰能近前畏左右  
去天尺五付此郎詩豪酒聖復專場錦鞵花驄折楊柳

灞陵惡少女如張危亭複閣來南州佳客爭門陪俊游  
朱轡皂蓋駐五馬巨羅醉擲高陽侯青蛾皓齒動星眸  
尊前舞罷錦纏頭參橫月落了不問四并在手吾何憂  
腐儒蕭然愧環堵藜覓胸中戾戾句頽然被酒燭如虹  
戲效吳歌歌白紵

戲答賦蚊

江湖白鳥傳自古 孫曾亦如許聚雷豈解殷晴空  
媒孽耳根良自苦野人睡美不聞鐘草木莽蕞森蟠胸

咬膚攻啄漫不省躍躍自喜安足雄若人才高樂譏評  
滑稽能發古人興勾引西風塵細蟲小醜何勞霍去病

遊東園戲作長句

久客殊方無咏味排遣春愁逐傲戲曉濟吳榜訪東園  
欣欣草木多佳氣縹瓦竹葉沃春心黑面酪奴驅晝睡  
親黨諸郎意氣豪挽強對奕真能事鄙夫魯鈍獨長吟  
一聲望帝動歸思

贈吳雲叟

宛城居士如冰雪大藥親逢悟禪悅丹霞正印君得提  
洞下靈源渠未絕淨名杜口涉言詮口如布穀意莫傳  
心猿睡起六窓淨為君作戲彈無弦

贈張聖達

人言汝穎多奇士秀潤如君飽風味兩鞵馳射不作難  
三峽倒流聊復爾平生未識嵩少雲三十六峰巖壑春  
因君便覺來眼界翻作新詩持餉君

張子和子文以長句送朋壺次韻答之



下自成蹊藝桃李此語聊持餉吾子南風吹句落窻几  
蕭然出塵天下士詩壇挑戰生一秦窮瞎水部好仍昆  
氣無萬里照夜白伏櫪騏驎狀驚魂荆公但獲一人半  
二雋風流眼中見機雲空誇千里萼如公筆端那復倦  
我誦懷沙自療飢時時間出危苦詞鳴蛙兩部頗娛聽  
鉅竹千竿端相持督郵雖賤不動置儼然真辨絕文事  
知君風味似建康連壁頓來隨俗吏漫洗平時過秦胸  
經醉咄咄成書空鬼竊為其明璽紙欲賦雌蜺吞晴虹  
懸知在德不在酒耳熱清狂酒酒後客來舉觴不得言  
舌本因之忘可否擊柝相聞非路長濤波隔津成兩鄉  
待我營巢浣花了過君更僕對繩床

用擬古韻答英上人

劇飲徑酒尊有癭搜攪新詩轉道緊誰知雲窻除饑男  
燕坐微吟蕪絮忍吾哀霾霧滿胸中玩味甘腴真雋永  
含毫覓句剝欲酬時有寒泉汲舊井

先成都訪故園得顏家斷壠碑

我生性僻喜客鄉有練先書無復羸墨池筆冢聊爾耳  
春蛇秋蚓勞譏評正書不數黃庭經况復焦爨瘞鶴銘  
永和題尾束高閣暫翫往往多蘭亭怒貌渴驥日遠屏  
巖家餓隸當吞聲千金敝帚不自見憎雞愛鶩何癡生  
我家成都萬人傑向來古心冶金鐵顏公斷石出糞壤  
一落眼界清思發政如令嚴亞夫軍中天夜夜懸明月  
速酒乞靈向若人運斤成風萬鈞力筆端寫我剛直胸  
復與顏公振遺烈

宴清心閣

馬尾垂楊已墮綿春風暴謔惱中年驅車作意訪花縣  
地主風流仍更賢倦遊不比長卿慢自迎傑閣開清宴  
高談雄辨俯飛鳥急管哀絃徹河漢君侯筆端妙入神  
百斛炳煥扛龍文承明合受鸞花繞何事歛板趨埃塵  
清朝好士如好色况茲卓絕流輩百追峰者即朝日邊  
莫道垂綸在幽是

阻風雨封家市

往時李成寫驟雨萬里古色豪端聚行人深藏鳥不度  
便覺非復鵝溪素龍眠老腕作陽關北風低草雲埋山  
行人客子兩愁絕未信蒲萄能解顏兩郎了了解人意  
似是畫我封家市戲作新詩排畫睡忽有野鴈鳴天際  
祭可仍孫本吳產萬遍蓮花亦遮眼時時幻作文於菟  
寂寥恨得斯人晚我如叔夜七不堪倦書羞學蠹書蟬  
已約東湖徐孺子招公山北復山南

贈宗紱上座

蒲萄不飲熊耳杯薰爐甘作素駝坐胸中皎鏡湛靈源  
結習已空花自墮眼明見此除饑男妙語時時零玉唾  
稻畦摩衲丈夫事吾獨知之胡不果鉤章棘句竟何裨  
徒遣詩人嘲飯顆

觀法華牛鬪戲呈戒上座

雞棲于埒晚山碧兩牛偃蹇萬鈞力黃鐘滿脰鳴相歡  
欲起緣何作勅敵水拈敗績秋風前穿林敲棘蹊人田



幾無將軍破燕虜適堪衛尉駕車轅碧眼三僧可人意  
大牛小牛與穿鼻更須晏坐三十年直待無鞭更無轡

雪夜書懷

夜烹伏雌歌偏側泰山其頽吾道阨天奎邊壁竇蘇公  
諸君往往瀕蠻貊帝遣仙儒玉局翁涕下悲吟夜蕭索  
冰姿玉立似平生化作人間截肪白黃屋久悟金滕書  
豫行溫詔歸逸客嶠南華髮老先生解羈來卜愚溪宅  
枉遭越犬吠蒼皇莫吟冰柱要呵責重瞳雖復達四聰  
尚恐乘軒多令色短檠花重寒不眠南望猶嗟萬山隔

蝴蝶詩

并序

楊昊明之世家蘇州少孤力學娶同郡江氏  
婦翁官江州征市明之盡室與俱來予于江  
君既親且舊以故過江君始與明之相識後  
一年明之挾冊遊上國抵許州客食親館一  
夕暴卒卒之明日有蝴蝶大如掌許裴回翔舞  
於江氏旁竟日乃去始聞訃聚族相與哭蝴

蝶復來遠江氏起居飲食不置也夫明之不得其死未能割愛于少妻稚子故化蝶以歸爾世之罕聞異事人之英偉不凡死有遺恨精爽不沒沒能化物出遊人間以自表見亦可為流涕者矣予與明之善故作此詩以悼之云

碧梧翠竹名家兒今作栩栩蝴蝶飛山州阻深網羅密君從何處能來歸疑君枕肱作莊夢誤隨秋風訪天涯大兒稍黠兒中虎小兒初學繡帳語青娥皓齒越中女夜挑錦字停機杼可歎不可思可思不可見君來翻作昧平生看朱成碧非君面耿蘭作報斷人腸况復佳聲哦洞房不知真是玉人否大鈞刻彫不可量君不聞蜀天子化為杜鵑似老烏悲啼清血百花盡有恨不吐歸黃壚又不見湘纍平生女娑罵空遺離騷萬鈞價楚些許時招不來亦復穿花繞寒夜願君莫飛入兔園青春繁繁花葉繁雄蜂雌蝶鬧如雨於君一脚不可安

贈詵首座

上人鬚髮森如戟年少曾為萬人敵  
父兄膏血染敵戈晚作梵王門  
下客西州白氎爛生光來逐鳳棲山  
寺涼萬遍蓮花君自足曹溪一滴定須嘗

中秋遇雨夜將半素月流月可愛感予賦詩

雲將長空斲絮晴膚寸而合雨建瓴  
阿香推車不知倦雅意望舒無復明  
地行賤臣未辦訴斜漢左界俄無聲  
雖非西園清夜樂起予縲絏來酌醕  
舉觴蟬娟聽我語樽下藉汝攻愁城  
長令屏翳當令節莫遣楚氛蔽明月

謝佛鑑大師寄韞玉鑪

道人力參具正眼古廟香鑪心已灰  
平生厚我習氣在索書常逐征鴻來  
深藏山谷實高蹈下視萬象遺塵埃  
遣奴餉我此長物不比珍篋餘嫌猜  
摩娑溫潤伴玉德荆山抱璞真良材  
妙香起處有蒸鼎媒孽萬壑生風雷  
忽言與君隔千里對此了了聞談諧

謝王成可惠鼎鑪

王郎筆若追風驟，歷塊過都愈奇峭。胸中好古類古人，  
鑄鼎為爐亦臻妙。禹金九牧知神姦，周定郊廓垂不刊。  
據耳向來為上客，折足遙憐空汗顏。顏率游談聊貫患，  
納部臧孫貽直諫。淪亡泗水蓋厚誣，得自汾陰亂真贗。  
孰如此鼎形，瓌奇睹腹雲雷差。次之上有蒼虬肉，倔強  
隱映么麼微。螽斯明窓靜，几香氣氤藹。如黃雲覆晏溫，  
拜嘉詎意獲此寶。子孫父已傳，仍昆

次九弟中秋韻

楚江微波鳴盞酒，脫葉蕭然坐來久。仰頭看月落烏紗，  
無復纖雲漢津口。願兔之靈態度深，搗藥長生傳至今。  
風前急管聞三弄，泓下蒼龍時一吟。逸興俄生縹粉壺，  
携幼近局無勞呼。坐中白髮飲輒醉，鼻雷發聲聊據梧。  
異舍羣雞皆誤唱，舍下鳴蛩亦清壯。低昂北斗掛柴扉，  
不眠尚倚過眉杖。

歸舟

旌陽峰頭千仞石，溪光却照楚天碧。歸客操舟暝色時，

怒雷濺雪多灘磧夜榜時驚鳥鵲喧星光破碎月映門  
訪戴人歸剡谿曲問津客出桃花村香醪獨酌吾靜寄  
萬事不理端復細俗交從來薄於紙小點大癡聊一戲

正月二十六日寇順之飲僕以醕醑酒徑醉聞

橫笛音李仲先順之有蒼頭能作龍吟三弄偶

不果戲成此詩

髯奴不及綠坡竹柱車守閭各有局詩不上卷吾不欲  
僮約卒音幾慟哭劣于郗公常奴爾性不如葦少陵喜

吐茵西曹第忍之封侯骨相多少史蒼頭乃復在琳房  
柯亭橫吹節飽霜炊飯作糜綠底事心寫泉聲風韻長  
寇謙酌我次翁狂如魚聽曲首低昂恨不臨風作三弄  
不減當時桓野王

舟中戲作雜言

昨日觀畫筴李成山水真難忘寒林遠近煙暗澹絕壑  
稠疊雲微茫忽看清溪下野艇驚殘鷗鳥不成行我嘗  
指此語座客安得仙骨來中央此事數日爾忽落圖上



鳴魚榔山重水複灘瀨急鴉飛不過吳天長嗟予老矣  
兩鬢蒼放浪自得宜深藏煩於畫筭試檢校恐我割取  
附益歐峰旁

次暉書記韻

平生邁往回萬牛晚著壞衲乘虛舟僧中那得賈長頭  
對語疊疊連不休作夏深藏白蓮裡心如花映秋水  
夢隨歸雲欲訪之鄰垣華鯨喧枕底

次韻陳無已擬古

說桓佐宣項垂癭銳頭將軍風骨緊病夫面帶丘壑姿  
白薤綠葵窮可忍忠風輝映義骨香若事何須味方永  
夜歌高頌出金石猿猱寒柯掛參井

病日宴坐

腦脂遮目乏風味宴坐禪床真得計赤眼歸宗近似之  
面壁少林聊復爾東坡妙語久猶新治日常存如治民  
但學曾參相齊法清夷王度不無人

連日大雪

春風吹雪塞寒門  
飢鳥暮啼寒雀啼  
此中要是難測地  
材堪令僕無複禪  
引帆上檣中繫軛  
燒車與船復延客  
平生四十二年非  
頓悟前塵頭半白  
願隨谿叟水雲鄉  
策衣負雪時鳴榔  
不知許事付歡伯  
醉著寒灘清夢長

欽定四庫全書

日涉園集卷七

宋李彭撰

五言律詩

喜得師質消息

南國柳花合淮壖  
麥秀初敷聲傳喜  
鵲一紙故人書君  
出理煙艇儂還荷  
雨鋤天高風浪惡  
歸興不應疎

漫興

鴈帶秋聲滿鷗將  
暝色歸打窓紅葉  
亂裁句碧雲飛好



飲酒儲盡少眠茶夢稀春言方外侶時送北山薇

宿同安寺

山暝客初到雨餘雲尚屯長廊響僧唄涼月耿松門殘  
境知心遠背塵惟佛尊道人暗不語真覺我言煩

遊藏山寺

招提雖負郭茵閣暗藏幽春漲桃花水風回沙際鷗含  
煙朝日麗擇路晚雲愁淡墨呻吟內非萱可療憂

久不得潘髯書

八字山頭鴈武昌江上魚略無千里遠不寄一行書度  
鳥愈清曠晴雲時卷舒河陽應好在有底苦相疎

書龍壽寺煮泉亭壁

病馬繫喬木携筇到上方江花迷枉渚野竹亂鳴榔石  
竈懷桑苧窪尊憶漫郎吾生真寄傲佛地欲深藏  
客裏多岑寂尋春興獨賒擊來妙喜葉盡屬法王家不  
見青鞋士來見黑面茶幽懷在天末落日更鳴鴉

曇珠曇規二禪者歸湖外乞詩二首

欽定四庫全書  
卷七  
淑氣紛花藥喧風樂鳥鳥山僧來訪別稚子竟傳呼噴  
玉渥注種行沙滄海珠湘天多過雁能寄尺書無  
獨秀峰前見林間憶語離游觀如昨夢換謝若晨炊柳  
絮飛千尺殘陽隱半規打包湖外去探道就鉗槌

西塔

秋山何秀整風磴頗崢嶸寺古殘僧病門深舊犬迎崖  
蜂將割蜜澗鳥自呼名毳衲典刑在蕭然物外情

病起過鄰寺

慣作招提客應非拖玉身一年強半病十畝未全貧孝  
秀鄉閭盛朝頌符瑞頻不妨幽仄裏高卧姓龐人

封氏野老留飲看白兔是晚微雪

封老朱顏在髯髯已白鬚酌醪招倦客喚婦煮肥鱸玉  
兔君家有銀鬯客舍無醉餘看舞雪未覺客情孤

登無相絕頂舊有東坡題字今復不見

深雲蒙無相斜日照崔嵬慘澹天梯往蒼茫地勢開巾  
裙拂河漢談話雜風雷惆悵銀鈎處歸來首重回

次九弟韻兼懷師川二首

抱瘵便秋晚加餐喜歲豐  
幽懷烏鳥樂世故馬牛風  
坯戶寒蟲急安巢野老同年來  
百念注頓悟衆緣空  
鷄回落雁渚菊帶傲霜華  
稍過郊墟雨猶鳴官地蛙  
層空聽隼擊俯杖看蜂衙  
妙趣誰能解懷人天一涯

次文虎韻戲暉書記

孤舟泛湛水心法已圓融  
詩律期三昧庵居後二空  
住山須拙斧閱世任寒蓬  
慢著尋幽履雪泥殊未通

次九弟韻後篇戲奉世十一弟二首

少年憐季子拔俗似安豐  
逸氣期公幹鈞深似國風  
未須輕小伎着意要參同  
聊語詩家病塵窓研滴空  
莫學中郎將休懷陰麗華  
三餘遊竹素兩部有鳴蛙  
乃肯親龐老多情過押衙  
吾哀那復此羨爾樂無涯

戲贈

王謝風流在星星映角巾  
屬文無少盡結社有迂輪  
頗作餐霞侶願充觀國賓  
徑須呼伯雅且入醉鄉春

贈鄒中美

盛漢數鄒陽雲孫復擅場  
筍輿逢鹿苑蠟屐繞羊腸  
囊有壺公藥爐多荀令  
香麻姑在鄉國期子共徜徉  
贈暉書記暉有伯時所畫馬甚奇

脫盡膏梁氣抵餘雲壑姿  
囊中走遁馬筆下惠休詩  
木末烏還語花邊蝶浪窺  
平章賴公等吾病不能奇

聞官軍已臨賊境

聞道官軍至戈鋌壓賊壕  
鼎魚猶未腐穴兔竟何逃  
銳氣連全楚皇恩貸爾曹  
洗兵無復用歡喜薦春醪

次韻九弟遊雲居

禁足同僧夏秋風倚杖前  
捫蘿懷鳥道著屐到壺天  
霜月懸崖腹參旗落枕邊  
營詩嗟錦盡老語不須傳

夜坐聞櫓

日斜喧急雨雨夜候蟲秋  
宴坐遊三昧因人吟四愁  
疎林月色好別渚櫓聲幽  
却憶秦淮上寒更渡小舟

自雲居歸欲到瑤田作

稍上參雲漢中藏祇樹園煙橫迷遠嶼鳥度失孤村一  
嶺分晴雨半山纜晏溫回頭聽梵唄真是欲忘言

絕章水

春水靜遊浪晚吹怒生濤歸興催舟楫驚魂寄枯槔留  
髡忽忘故訪戴敢辭勞推挽柁師力令人愧爾曹

哭李少微三首

應劉玉山墮之子尚璵璠未握論交臂俄招去幹魂茂  
陵有遺藁健婦解持門何日生芻蕘人琴恐或存

評閱汝南旦窮嗟校尉途故交非浪哭吾道恐成孤往  
在談文處還能步屨無秋風聊倚杖草樹日疎蕪

我客齊安歲君官汾上春安知瀕鬼錄不作定交人場  
竈中郎滿鬪鷄開府頻如何令王濟清血染衣巾

次韻東坡五更山吐月

東坡先生喜誦杜少陵四更山吐月殘夜水  
明樓之句其在嶠南列置五章僕蓋誦之不  
離口欲效其髣髴而不可得秋高景寂往來



匡山披衣視夜氣象幽勝乃次其韻作五首  
然終不近也

一更山吐月修木瑩澄瀾全勝西園夜金鷄帶笑看團  
樂照坐好猗徙冰人寒縹瓷傾竹葉何必辨狼殘

二更山吐月寂寂山家夜哀翁葆鬢濕衡移復露下冷  
冷泉可漱冉冉雲可藉相携塵外人共說無生話

三更山吐月無睡客還起風微一鐸鳴歷歷正談此此  
身如傳舍幽懷湛秋水茲遊共昔遊定非聊爾爾

四更山吐月月是故園明三峽笙簧起紫霄星斗橫林  
猿霜後嘯山鬼夜深行託宿耆闍寺真遊王舍城

五更山吐月夢回人更幽風來虎溪寺江動庾公樓雞  
喚楚江曙河殘淮上秋倚梧成短句僅欲不勝謳案此詩五

章其一四五律體而二三則古詩但其體以五更聯綴成章勢難割裂故並附此

不宿開先道中口占

穉菊含佳色苔痕上老筇了山已埋玉盧老自鳴鐘但  
飲東溪水休看雙劍峰斜陽空翠合猶聽隔溪春

雪

瑞木辭天漢因風響觸楹光催曉雞誤素失白鷗驚水  
柱隨門見瑤林逐徑成南州多癘鬼藉汝勝塵兵

王子張數以詩見過

午夢蠻花濕晚涼衣帶秋愁來倚柱嘯詩到擊盤謳律  
熟無誰敵詞慳不擬酌蘇州語猶在五字為君休

回雲叟遊歐峰

遠墅春辭木空山晚着花幽懷生螭屐稍上問星槎屢

共普熏飯仍烹圓夢茶期君未哀白爛漫飽烟霞

書懷

未作終焉計懷哉興不踈逢人問息耗閱歲歎乘除老  
境來顏面歸家識此渠攀緣俱斷絕何暇羨嚴徐

遊石鏡溪

石鏡溪邊樹金輪峰上雲貪看魚弄影不覺鳥迷曛山  
態迤迤好泉聲細細分銀鈎懷柱史誰復振斯人

懷秦處度



淮海紫髯吏長吟獨倚風稍將芸辟蠹應罷手書空柱  
策舊寒澗含毫餘老松觀雲每悵望苦念小安豐

留題壁間

遠意在丘壑籃輿同此尋千雲絕壁秀落澗幽泉音卷  
袂盡開士聽法多珍禽煙橫半峰暝信是忘歸心

過蘄州故居

繫馬金沙樹衡茅儼暝途沾襟問鄰老携手憶於菟意  
逐前雲遠情隨歸路迂霜風吹曉角夢聽小單于

寄文若

仲氏客淮上蓬窓憶聚星雲從望中密雨逐去邊零赤  
壁念存沒怡亭幾醉醒歸歟勤著脚莫負讀書螢

用葦葦蘇州神靜師院韻寄微公

雲臥衣裳冷爨幽鐘磬微秋蟲留霧牖夕鳥下烟扉無  
人淪茗椀坐我語斜暉分携復經歲長嗟志念違

將到九江先寄王環仲

鹿門真大隱不戒遠人村淨供維摩室鄰君祇樹園秦

淮揮別泪楚岸倒芳樽牢落還相見定能顏色溫

新筍濁醪味嚴勁飲數盞大醉醉中作此詩

我生憐麴蘖剛置自中年破屋鳴春溜陰崖響夜泉興  
來猶味著飲罷剩狂顛但病無風韻聊堪栩栩眠

佚老堂為柳仲輝題

小隱寄巖谷堂成笑傲中雖無黃閣相不羨黑頭翁倚  
杖鷗邊雨營詩雁背風好閒多病處清興略相同

自寶峰還過長坑澗谷勝絕處

瀟瀟水循澗悠悠山放雲關河元未遠境界有誰分幽  
樹花無賴輕鷗聲念羣箇中酒著句傳與世間聞

藝玉軒

短李江南秀虬鬚讓帝孫開懷仍好客愛畫復堪論藝  
玉風烟外藍溪氣象存他年多結綠會看有乘軒

豫章董瞿老求詩

珍重膠西相風流後葉孫退藏差射策曠遠頗窺園韻  
絕五峰秀句奇三峽喧羗山多勝踐周禮魯俱存

漫書

歐峯秋色外一上一回高  
踐華誰云險捫參未覺勞  
雲扉留野客霧牖卧方袍  
拄頰非吾事何須似馬曹

錢盱眙赴上因乞詩

君自金張侶從予嵇阮遊  
祇園分客袂星渚繫歸舟  
楚國煙霞晚隋河榆柳秋  
中州多汲引行矣亦封侯

次英上人韻

鼻祖真消息風流出當家  
觀門親杜順戲指悟玄沙  
願我晚聞道參同今未涯  
懸知飲光笑初不為拈花

題吳少馮聽雨堂

碧澗寒侵屋幽雲夜度墻  
貪看山入坐慣聽雨鳴廊  
苦乏陰慳句聊登孺子床  
君非無汲引寄傲學潛郎

喜得京師書信

簷間噪烏鵲窓下集邕渠  
喜有大梁使能携小陸書  
南烹飽薇蕨北饌到庭除  
得雋傳消息更看雙鯉魚

追涼對酒

祥暑晚來歇追涼聊解顏星移團扇底月動縹瓷間  
噪斷仍續鳥喧栖復還幽人嗜清曠只合卧湖山

五言長律

上黃太史魯直詩

扈聖當元祐雄名獨擅場羣公調玉燭延閣近扶桑揮  
灑驚雷雨觀瞻列堵墻密雲來北苑珍菓出明光柱下  
惟青史銀臺無露章胡為隨逐客不作瑞齋房岑寂金  
華省蕭條玉筍行長唐萬里去大雅百夫望老覺丹心  
壯閒知清晝長珍蔬時入饌荔子喜傳芳世故踟躕遠  
生涯嘯傲旁甘為劍外客誰念大官羊宣室二天詔遺  
弓萬國傷老臣還詔畢陛下過成康澤笏皆忠讜彈冠  
多俊良力辭佳吏部直作老替郎憶在金華日曾扶八  
座床未能窺絳帳頗復戲羅囊候雁隨陽去奔駒度隙  
忙千秋銅狄泣萬古玉人藏諸阮躐猶在蘄春痛未央  
羣雛極鵝鴈衆口歎蛩螢恨乏一廛地歸來屢擇鄉親  
交標鬼錄卜築近僧坊宿鳥頻窺牖行蛄每畫梁着渠

上麟閣恥學賦高唐動我十年夢持公一瓣香聊堪比  
游夏何敢似班揚尚愧管中見應須肘後方它時解顏  
笑何止獲升堂

欽定四庫全書

日涉園集卷八

宋 李彭 撰

七言律詩

觀畫山水

不愛邊鸞愛李成胸中成畫自崢嶸數行島嶼隨人去  
一段風烟向腕生猿啼巫峽殷勤嘯雁到衡陽嘹唳鳴  
我與羣山成保社直疑俱是舊經行

遠明閣飲



金定四庫全書  
卷八  
百尺遊絲入座來浮嵐空翠映樽疊談諧自得江山助  
觴詠不勞絲管催滕閣風流今未遠南樓氣味喚仍回  
城鴉欲曙衆客醉木末欄干懸斗魁

城上

城上棲烏尾畢逋寒塘鳥影過相呼一天欲放山陰雪  
六幅如觀粟里圖問老自應師祭忍扶衰初喜得封胡  
香醪已熟糟床注喚客無勞滿眼酤

宿萬松無示慶首座

步屨欣逢釋梵宮餘霞尚帶日歸紅峯前晚靄晚來積  
岫外秋天秋滿空獨鳥深藏歌牖樹幽花香透下山風  
青燈耿耿照無睡賴有能詩老贊公

鄒天錫見過

議郎梁獄坐口語置散投閑今放回令節由來迫吹帽  
幽園尋勝獨登臺共歌昭代得銀甕何暇著書名玉杯  
此口惟堪飲醇酎人間萬事要寒灰

次駒父遊孺子亭韻

平居懶與慢相親寄傲行歌似隱淪水退荷花餞殘暑  
秋來山色挽幽人從雌鷓鴣窺黃帽旁母鳧雛映白蘋  
興罷歸來去高卧詩成聊復寄雷陳

余久不飲酒偶飲殊適因和九弟韻

年侵畏病酒尊空矧復聽歌盛小叢煙際鳥呼雲際雨  
花邊蝶舞柳邊風向來懷抱愁眉外今日懽娛醉眼中  
何用花奴鳴羯鼓新詩解穢思無窮

遊雲居三首

山林投老更踈慵尚有躋攀興不窮絕壑久忘蛇起陸  
寒窻聊食鴈來紅人方菴阮似無愧詩比陰何或未工

永夜不眠茶作祟一燈明暗鳥呼風

雲居稱有雁來紅

故歲新芽約略黃重來敗葉帶飛霜尋幽少脫塵勞夢  
訪舊頗薰知見香深谷鳴鐘雲暗淡半峰斜照樹微茫  
去天尺五今應是璧月珠星掛上方

羣峰羅立紫崔嵬無復市聲蚊聚雷遠嶠雲屯飛鳥沒  
寒江烟歛健帆開暖眠犢子陽關草香逐蜂鬚陰谷梅



散策捫蘿覓歸路摩娑蒼石更裴回

次韻答董彥遠

踈山翠氣連眉嫵雲外飛鴻點點愁只在吳頭楚尾非  
關張夜至幽州著書繁露想成癖待詔公車安足求何  
日芒屨尋舊約蘭旌蓀楫共優游

過鵞湖懷師川

寶峰嵌崎青未了枕下灘聲走白沙谷口不應無小隱  
桃源真恐有人家寒猿飲水避帆影槁葉隨波上槩牙  
苦憶南州徐孺子歸舟天際暮雲遮

春夜奉懷蘇仲豫次陳無已韻贈仲豫

雲外頭陀是去年已看汀草漲晴川夢中未覺關河遠  
枕底忽聞鐘鼓傳但可馬曹聊拄頰看渠鳳閣競加鞭  
蓬窓想得司春甕一夜糟林酒注泉

春日懷秦髯

山雨蕭蕭作快晴郊園物物近清明花如解語迎人笑  
草不知名隨意生晚節漸於春事懶病軀却怕酒壺傾

睡餘若憶舊交友應在日邊聽曉鶯

李敵檢校南村田

風吹擺種半傳黃準擬中厨雲子香潮水忽生添野水  
山光便可接湖光難求塵外餐霞侶未識囊中僻穀方  
徑遣阿連聊檢校飢雷已復殷枯腸

自豫章歸書齋題壁

鳥烏聲樂客還家僮僕懽迎日未斜小徑春筠新長筍  
幽齋大樹晚多花深慚麴蘖留春住尚覺年顏老去賒  
出處由來非細事弄泉莫忘飽煙霞

半宮曝書恭覽御書故事行鄉飲酒禮諸老率  
諸生皆在楊先生病足獨不至賦詩見寄次韻  
答之

雲漢昭回泮水邊諸生拜舞鱣堂前老翁七十荷衣綠  
弟子三千桂魄圓樂正足傷何必慮伏生口授尚能傳  
墨池載酒容他日門外侯芭也可憐

寒食日

幽人衣帶病餘寬終日蕭然懶正冠  
柳絮野鶯春向晚  
榆羹杏粥食猶寒倦于杯杓生新興  
頻有鄰儀救老殘  
試把一尊招近友放歌聊復罄交歡

李成德求廼翁挽詩

養疴丘壑玩寒藤領略雞園最上乘  
射虎已驚生李廣  
登龍行復見元膺九原烟雨悲埋玉  
一代功名定伐冰  
安得董狐南史筆發揚潛德到雲仍

戲次居仁見寄韻

居仁見督參雪竇下禪

長蘆老人半聖號眉毛不惜為談空  
靜委眈禪如縛律  
懸知選佛勝封公影沈寒水雁無意  
春入幽園花自紅  
欲向池陽參百問却慚勾賊亂一作家風破

寄如壁上人

平生剛直隱長虹杖卷波瀾說一作苦空  
翰墨場中無  
李廣苾芻園裏有  
支公未應雪浪侵頭白想見丹砂入  
頰紅  
驄馬他年焚諫草看君妙手試宗風

次韻寄居仁二弟

隆禮敦智

老覺餘生如過鳥何曾留跡寄長空一丘一壑應還我  
三沐三薰盡付公病懶自知玄尚白醉餘貪看碧成紅  
荀家兄弟俱奇絕時聽淮南好國風

次韻寄山伯蕭老二弟

山伯惠痊  
鶴銘善本

平原翁仲草蒙茸種竹當年語竟空羣從嗟予真漫叟  
象賢期汝繼汧公別來江草喚愁碧書到山陰稱意紅  
痊鶴銀鈎光照坐行書正欲乞揚風

兄雅嗜揚少師恐  
弟輩有之故見于

未句

卜居

有宅一區聊解嘲清風歷歷自鳴飄買山作隱吾無取  
為黍殺雞何用招魚托么荷障斜日籜隨新竹上層霄  
箇中已了一生事倒屣安能求度遼

寄劉壯輿將赴唐州儀曹

五柳先生同舊科壺觴終日盼庭柯一行作吏事皆廢  
三徑就荒君若何問字有誰堪載酒談經許我或操戈  
平生獨是賞音者聽此殷勤勞者歌

奉贈瑛明發

上人霜鶻氣橫秋法界重重幻筆頭已泛毗盧真覺海  
戲裁佳句比湯休雲開鶴嶺露蘭若波起洞庭霜橘洲  
華髮蕭騷瀕老境多情猿鳥替人愁

駒父次予舊韻見貽復次韻

玉人皮裏有陽秋句入丹青頽虎頭壓倒何勞譏陸  
老衰得懶欲休休支床夢破嚴城角決背風回落鴈洲  
遣興竟須桑落酒談閒莫著畔牢愁

前韻戲呈仲誠

蒲萄政復得涼州底事微官章水頭早歲已能交北海  
高懷乃肯頽韓休手妙他時掃銀夏胸蟠佳處協滄洲  
誰言京兆畫眉媿後院懸知多莫愁

寄何斯舉

傳詩句句爛生光妙手殷紅入象床本自奉常參定脉  
定從僂耳悟神方玉花自合歸天廡黃鸝應須下建章  
見說年來真欲隱轉身一路直須強



寄張聖源

豪氣向來回萬牛筆端衮衮楚江流拾遺已見傳三賦  
平子不應吟四愁柱後許時淹濶步石渠看即副旁求  
老夫病著蒼崖底細和堯民擊壤謳

還家寄吳世良兼簡潘子真

江頭楊柳趨塵姿弄日晴空百尺絲騎省風流還有賦  
吳筠英妙更能詩殺雞為黍相期處問雁呼卿政此時  
下榻深慚徐孺子非關勞者作歌辭

贈九峰長老

已透韶陽向上關蔬盂茗椀每開顏頭顱無意掃殘雪  
毳衲徒來着壞山瘦即直疑青障立道心常與白鷗閒  
歸來天末一回首應在孤峰烟靄間

次韻答寶峰仁書記

袖手脫鞋悲太白褰旗縛敵笑光顏自知日面與月面  
莫問南山共北山獨秀峰前雲不隔蓮花洲下水長關  
還鄉一曲真奇絕與子終朝談笑間

寄撫州謝幼槃

別去鷓鴣思日寒書來鴨鵝語林端我懷求仲徑方掃  
君向山陰興已闌細讀清詩如艷雪何時痛飲劇奔湍  
懸知作草非賣菜要自心期禮數寬

賦高明大使神功妙濟真君祠

楊柳江頭星宿疎呼船梢子散林鳥煙橫雲卷樹出沒  
天澹波平山有無稚子摠參三洞錄病軀長佩五靈符  
步虛聲裡瞻風馬頗覺神清到藥珠

代虛中作

曉悟無生貝葉經起宗真喜得人英風流定自壓全楚  
文物由來繼兩京謝傳平生處華屋滕公俄忽掩佳城  
哀榮贈典他年在翁仲何知淚滿纓

聽王散人琴

花邊猶舞舊時蝶屋角還鳴他日禽但訝鏡中顏色改  
詎知門外歲華侵一盃相屬步兵酒三疊共聽中散琴  
有慨余懷聊復寫雨餘汀草自青深

南至

鄰雞戒曉暮鐘催老境俱從裏許來但喜書雲占嗣歲  
詎知緹室暗飛灰和氣欲上千門柳協氣先傳五嶺梅  
弟勸兄酌真樂事燈前細酌莫停杯

葺茅屋戲成

朔風卷我屋間茅烏鵲啣將去作巢執扑鳩工課奴客  
巡簷長嘯望江郊謝公五畝似能保揚子一區聊解嘲  
欲學參謀懷廣廈苦無鳳背續弦膠

鷄冠

景純機上為裁翦淺碧深藏稱意紅要與飛鴻同保社  
肯隨凡鳥在樊籠鳴堦鼓翼何勞爾介羽登場略未工  
赤憤漫多安足數尸鄉反笑祝雞翁

七夕用東坡韻

老大微微迹已陳雅金稍稍欲親人蛛絲曲綴當時態  
麴蘖頻澆見在身女隸不堪嚴侍立天孫誰識靚粧新  
柳州太巧何須乞憐汝題詩正角巾

南至

鄰雞戒曉暮鐘催老境俱從裏許來但喜書雲占嗣歲  
詎知緹室暗飛灰和氣欲上千門柳協氣先傳五嶺梅  
弟勸兄酌真樂事燈前細酌莫停杯

葺茅屋戲成

朔風卷我屋間茅烏鵲啣將去作巢執扑鳩工課奴客  
巡簷長嘯望江郊謝公五畝似能保揚子一區聊解嘲  
欲學參謀懷廣廈苦無鳳背續弦膠

鷄冠

景純機上為裁翦淺碧深藏稱意紅要與飛鴻同保社  
肯隨凡鳥在樊籠鳴塔鼓翼何勞爾介羽登場略未工  
赤憤漫多安足數尸鄉反笑祝雞翁

七夕用東坡韻

老大微微迹已陳雅金稍稍欲親人蛛絲曲綴當時態  
麴蘖頻澆見在身女隸不堪嚴侍立天孫誰識靚粧新  
柳州太巧何須乞憐汝題詩正角巾

早發開先入城至中道親舊約予復還薄晚復  
自歸宗入郡中

細聽瀟瀟水流澗靜看悠悠山放雲澗底遊魚隨葉下  
巖間獨樹藉雲分殘星已發招隱寺落日看低耶舍墳  
却背孤村入城市沙邊深愧白鷗羣

過廣濟

不到梅川已十年市橋官柳尚依然追尋耆舊知誰在  
觸撥清愁不欲眠蘭若霜鐘猶喚睡平陽宰木上參天  
倦遊客子心無際眼盡崗原起暮煙

種仙茅

聞說仙茅勝鍾乳移根遠自西山阿豈獨客來塵意少  
更覺夜眠幽氣多避謗何須求惹故去家不減食葍蘿  
侯門稚子成羣後矍鑠仍看馬伏波

王子張以詩見報次其韻

卧看雲生舍北籬起來臨鏡慰哀遲欲投未落鶴盤嶼  
將去還留鵲遠枝天上漢廷勞夢寐嶠南殷鑒恐羈縻



藍田丘壑仍孫在勝日勤來賦好詩

七夕懷徐十用去年所賦東坡清涼韻

幽人喜雨靜無塵雨罷幽蟲料理人  
願我維摩方卧病憶君徐雅是前身  
鐘鳴祇樹年華隔潮上吳江月色新  
共看牽牛渡河漢月殘露脚濕綸巾

戲次人韻

人言鼓吹來詩思鳴鶴遂聞長阜音  
細讀一犁新句好始知三語用功深  
自甘散木傲霜節懶作幽雲出岫心  
茗盃爐芬清晝永流鶯捎蝶過牆陰

送果上人坐兜率夏

落絮霏霏攪客心鳴鳩歷歷喚春陰  
未於蓮社添宗炳已向蘭亭戒道林  
遠嶠烟橫鐘磬晚禪天目斷薜蘿深  
詩緣酒廢苦無思為予送將聊一吟

舟中次珍書記韻

沙頭作別數峰暝意逐屯雲愁晏陰  
雨打船篷藏枉渚鐘殘客夢憶禪林  
山重水複歸棹遠魚躍鷺飛寒葦深

何日支郎訪玄度倚松亭策杖微吟

用師川題駒甫詩卷後韻

夢中逐客幻中歸荆楚甌閩好賦詩誰謂涪翁呼不起  
細看宅相力能追太冲文價經皇甫籍也辭源怯退之  
丘壑同盟從已定莫令鬼祟作愁眉

即事

槐火煎茶氣味新東園肯讓兔園春鳥摧穰李霑衣袂  
蝶遠天桃傍鬢唇迴策如縈峻儀範好詩轉彈絕風塵  
頗勝袁粲飲無偶步屨白楊要惡鬢

貽王充道隱士

憶昨涪翁虎溪別雁來一字不曾收勞君為傳三月信  
遣我少寬千斛愁煙艇方遊建業水玉人猶在仲宣樓  
何時掛席西湖去杖藜青鞋鸚鵡洲

潮州木龜有堂舊在天慶觀北極殿之左近為  
道流竊取而去今莫知所在矣

長生要自食山蘚妙語曾聞葛稚川忽見靈龜藏穴用

定巢蓮葉閱千年剗腸已笑清江使曳尾聊同修水邊  
懸想偷兒難卜夜守閭黃耳得安眠

宿侍其雲叟書齋

高齋解榻留我宿破夢驚濤翻疾雷水鳥時呼山鳥語  
朝帆纔去暮帆來百年榮落真墮甌一世稱譏同死灰  
珍重秦淮隱君子只今風月且銜杯

竹枕

湘江翠竹斬雲根偃月初無刻削痕尚想繁柯俱莽蕪  
曾經彩鳳屢飛翻佳眠時有池塘夢避暑不勞河朔樽  
殷殷晴雷喧白晝兒童走報雨翻盆

過林子幽居

卧聽山城罷擊柝策蹇過君霜滿鬚窻間山好天欲曙  
庭下菜肥人愈懼我非當世可領袖君合於今稱楷模  
謝公小草恐未免懷寶要令真不沽

同安即事

搖落霜林秋興新捨舟尋壑自冥塵雲光山色解迎客

松氣竹氛俱著人漢上營詩多累句孟生題壁欲傷神  
頻伽依舊丁寧語應笑華顛映角巾

怡顏堂

心遠由來地自偏有琴何必問無絃新醪清濁動秋興老  
樹扶疎可畫眠失學已從兒輩懶哦詩常苦後生傳此  
腰倔強應難折尚愧顏公二萬錢

周明府國鎮寄詩有招隱之意次韻以報之

絕壑平生深遯逃相期推轂敵英豪綠葵白蕤堪扶老  
黃帽青鞋非養高薰浴懸知慚管葛經綸何敢望崔毛  
新詩如對故人面清夜不眠雞屢號

予以王褒僮約授嗣行叟叟有書抵予并求跋  
奚移文且云要與僮約作伉儷以此詩戲之

髯奴上卷歸公許跋奚移文猶見催臧獲要令成伉儷  
文章相與扶風雷目成眉語似真爾足躡心邀安在哉  
大士好奇聊一戲不應禪寂便寒灰

戲何人表

示疾維摩難共語誰堪問疾坐繩床也知世乏長桑手  
盡用枕中鴻寶方馬價不須勞廣漢牛衣何用泣王章  
清涼心地俱安穩特訪名園領辟疆

仲豫買侍兒作小詩戲之

霜鷄橫空河漢秋聊隨鷄鶩稻梁謀却將屬國舊長劍  
換得石城新莫愁要遣短轅無復馭定看遙集解忘憂  
匡山醉客時相訪莫下疎簾作障羞

溪上

門前渾是浣花溪坊裡深疑號碧鷄短艇波橫隨暮靄  
遙岑雨歇看朝隳髯奴便了能沽酒稚子添丁解灌畦  
欲賦郊居追沈約只愁誤讀作雌霓

扇上畫雪景戲書

醉餘澹墨寫生綃咫尺真成萬里遙短棹船歸剡溪曲  
披簑人渡浣花橋暑中松雪俄輝映月裏山河俱動搖  
凜凜寒生立毛髮從今襌襪不須嘲

二月二日大雪



天公長作狡獪戲舍北舍南無限春密密疎疎桃著糝  
娉娉裊裊柳含塵老人已老難復少故衣雖故昔經新  
岸齊未花湯餅滑何勞象白間猩唇

得了翁書

都司曾拂御爐香嚴譴歸來鬢未霜麟閣他年看赫奕  
獸樽今日久淒涼楚氛聞說行將弭漢道真成喜再昌  
莫作湘纍吟澤畔鋒車促召據南床

廬山道中見梅花

江頭細草已搖春幽谷疎梅尚着人未許揚州動詩興  
却嫌戚里妬新粧范郎鄙棗不同傳漢省含香可買隣  
蝶翅蜂鬚莫浪喜元無一物浣香塵

苦雨

陵陂麥熟晚雲黃婦姑當獲相扶將谿山作雨水漂屨  
芝茵對床蜗篆梁宴坐翻疑谷簾下夢回恐在漏天旁  
何時晴嵐來入戶撩我浩歌傾一觴

江梅

江梅踈雨弄晴曛割取江東一信春剝得耐寒驚蛺蝶  
竟來占醉倒綸巾未容作賦重招屈豈敢含毫論過秦  
何日大梅梅子熟從渠高浪白如銀

睡起

烏鳥聲樂報新晴睡罷南窓午醉醒惡客從譏玄尚白  
斯人相向眼終青渚蒲汀草垂垂發暮燕林鶯續續聽  
日糴太倉真細事安尋佳句遣沉冥

次妙明觀韻

春岸波平汀草深野航蕩漾恣幽尋星壇香轉來真侶  
菌閣鐘鳴生道心憶昨霓旌歸紫府尚餘鴻寶作黃金  
肩吾戲吐烟霞語縹緲欲仙難陸沉

次韻答仲兄元亮

楊柳江頭人迹稀心隨鐘度遠山遲忽傳憶弟看雲句  
想見流觴曲水時人比封胡終有恨韻低徐庾敢言詩  
青春欲謝子規叫莫惜歸帆赴後期

用元亮韻寄駒甫

才名綠髮斗牛垂天祿  
雉書何太遲却掃未嘗嗟  
半菽養疴不是傲  
當時鋪張大對明  
光手收卷裁成鄴下詩  
見底冰壺最清徹  
何時照眼會心期

用元亮韻答師川篇末見寄

早歲聞君萬人敵  
定交已悔十年遲  
中間會面無虛日  
底事分携用此時  
不隔南雲無過雁  
猶因北阮著新詩  
征車欲作日邊去  
儻赴幽園茗菓期

復用遲字韻呈元亮

去年關河雪打圍  
縫裳密密恐歸遲  
忽看高筍成筠處  
始見殘樽下馬時  
暮雨蕭蕭聊洗恨  
東園物物總宜詩  
莫言心賞隨年薄  
動赴幽人林下期

東臺

門巷依依稱意苔  
杖藜野色逐人開  
馬駒卓錫今應在  
康樂翻經那復來  
雲物蒼茫山遠近  
波聲宛轉水縈迴  
風流賴有潘懷縣  
一洗從前猿鶴哀

次韻徐師川喜洪駒父歸自臨之作

赤壁烟波翻渺溟長沙早濕重行行一觴一詠勞清夢  
三沐三薰慰別情不作畔牢愁執戟共吟哀郢哭初平  
生來競病幾年落漫興安能學背城

度章水道中戲用城字韻呈駒甫師川

楚波不動晚山青頽兔西來照我行野鳥鈎輶如有意  
漁歌款乃亦多情湖邊倒載思山簡機上迴紋念始平  
欲覓澄江如練句乞靈湏向謝宣城

次韻答季智伯弟

廢詩不復匹蘇州蠹簡于人風馬牛喜有丘明能撰次  
極知水部愈風流句分競病應難敵家有封胡可解憂  
共歎宣城游岱早剝招去幹不能收

贈蘇仲豫

平生照眼玉壺冰解向朝陽續鳳鳴黃鵠樓前重會面  
白蓮社裏定交情疎才我亦憐文舉大雅君應笑正平  
貰酒臨邛聊復爾莫令狗監汙高明

贈王環中

拄策前年訪草堂掛帆煙際在西江詩隨鴻雁來春渚  
夢逐蟾蜍入夜窓辭聘知君追孺子屢空嗟我似窮龐  
菟裘欲買為隣並歲晚相期倒百缸

贈張仲義

春衫試吏楚江濱真以文昌思不羣未暇等陶辭小秩  
何妨慕謝始精文壁間妙句流黃素松下英姿大壑雲  
但恐承明賴公等不容蠻府作參軍

春贈介然

彈壓諸方化城老聊同懶瓚恣佳眠雲隨雷下雨歸壑  
竹引窓間風動煙晝靜冥搜徒覓句道安高論愧彌天  
叢林良藥今無有絕影須公為着鞭

宿同安用舊韻呈雲叟

蒲柳望秋今復衰遙岑雨罷抹修眉寒林要使入方尺  
妙筆懸知愧畫師不見揚雄草玄手細看束皙補亡詩  
何時共飲建業水更把北山煙雨犁

遊同安寺



郭內那知草色新道人庭宇別藏春高榆風度青含英  
艷杏雨餘紅退唇茗盃薰爐清有致禪天金地曼無塵  
裁詩得句如拱壁不費咸陽設九賓

遊昭德觀

曉隨歸雁影聯翩來訪仇池小有天萬籟虛徐雜鐘磬  
一源淳樸異山川雲霾大壑真遊遠風掃石楠佳句傳  
司命峰前徐孺子幾時風雪對床眠

夏牛卿用韻見貽次韻答之夏先君子與先平

陽厚善

君合雍容供奉班彤墀紫仗近天顏悞隨手板落趨走  
却望家山思燕閒使君銅狄悲遊岱令尹玉棺今賜環  
樽前回首二十載更話幽禪未易攀

客有和予顏字韻詩者答之

蠻花初捲筆文斑若被秋風吹老顏慰眼既親還有舊  
起予多病復思閒暮年倚杖心三徑看子著鞭腰九環  
小屈尉曹吳會去莫因橫榻廢躋攀

送規老住虔之慈雲

禪翁竟補棲禪處  
兔角龜毛杖佛僧  
久厭宗雷同保社  
却凭章貢濯埃塵  
定携天上蒼鷹爪  
去接江西白業賓  
大庾嶺頭梅正好  
同風千里一枝春

郊外書事

郊原野老帶經鋤  
童稚何知競挽鬚  
我亦彌年躬井臼  
兒能終日課樵蘇  
頗思鷗閣仍虬戶  
那似松醪伴酪奴  
志大才疎苦多累  
真須鹿鹿効周謨

和何斯舉韻寄元亮兼簡性之

避冷幽窓歌戾戾  
鴉啼踈柳把南枝  
長鬚勿送平安報  
滿眼仍看競病詩  
稚子每嗟簷隙短  
波臣常梗客行遲  
應貪左轄藍田會  
落雪官梅動興時

和許秀才見贈許病目良苦

木末鴉啼負郭村  
無人白晝掩柴門  
詩來或作破客夢  
語妙直堪排帝閣  
抱瘵端如叔夜懶  
幽懷思對阮生論  
何時還子讀書眼  
解脫無根須返元

和馮仲宣韻

秋風寂寞仲宣樓  
金狄傷嗟卧一丘  
喜有斯人出淮海  
追還舊觀極風流  
莫將起草明光手  
去伴諸郎肉食謀  
我欲清江理煙艇  
尋君楚尾及吳頭

奉酬謝幼槃

窓間遠岫謝玄暉  
人物煌煌三秀芝  
黃耳來時得佳句  
碧雲合處起幽思  
深閨復見解圍手  
勝日應多贈婦辭  
念我龐婆最癡絕  
只能舉案解支頤

次韻奉酬幼槃

結廬不入遺民社  
好客初無仲蔚蒿  
度鳥冥冥與心遠  
孤峰峭峭伴名高  
樽前着我醉千日  
鏡裡緣君減二毛  
安得買鄰揮百萬  
拍浮左手更持螯

再次韻呈之忱彥先彥達兼呈幼槃

割據溪山天下豪  
長松獨許倚青蒿  
小巫政自雄河朔  
淺器從來鄙奉高  
爛醉何勞憤田實  
溥風相與繼崔毛  
不知底事真奇語  
且向窓前嚼二螯

次駒甫涵虛閣韻

夢中占夢偶相逢  
山上有上隨轉逢  
我自持觴酌玄酒  
君應臨水洗蠻風  
行參鶴鷺峨冠客  
豈是江湖把釣翁  
暇日頻來裁錦句  
要看玉手亂殷紅

七言長律

紫霄道中

山行積石路逶迤  
村徑成門逐處移  
一點炊煙生虎穴  
四來暝色到牛衣  
畏人沙鳥飛南隴  
傍母山猿戀北枝

鴈塔崔嵬臨畫嶠  
墨雲靄靄對起方  
池髯秦昔別留奇畫

病可雖亡餘好詩

秦畫松石于歸宗壁間可為賦詩

羊祐不如銅雀妓

蔡邕尚有虎賁兒

世未甚知可而美慶上人者學詩于可

開顏欲效東籬

醉

栗里在歸宗寺旁

真隱慚無谷口姿  
安得膏腴盈二頃  
雍雍

喚取共扶犁

欽定四庫全書

日涉園集卷九

宋李彭撰

五言絕句

喚渡亭

草風兼沙雨依約渭河邊昔人曾喚渡絕唱頗清綿

戲書山水枕屏四段

遙岑天南端野竹垂楊下蕭散策寒藤綠雲復觀化  
澄江真皎鏡短艇戲鳴榔無復機心動不驚鷗鳥行



欽定四庫全書

日涉園集卷九

宋 李彭 撰

五言絕句

喚渡亭

草風蕪沙雨依約渭河邊昔人曾喚渡絕唱頗清綿

戲書山水枕屏四段

遥岑天南端野竹垂楊下蕭散策寒藤綠雲復觀化  
澄江真皎鏡短艇戲鳴榔無復機心動不驚鷗鳥行

孤峰上排霄羣木盡生意持竿坐石磯高懷在雲際  
複閣耿蒼煙斜暉掛木末卷帆何處船危檣待明發

大雪投宿圓通以野雪蓋精廬為韻賦五詩并

書塗中所見

寒雪盡垂空玉色粲萬瓦默默行五牙鬱靄望黃野  
昔我游山陰雜花紛似雪重來雪作團遠樹皓已結  
山翁雪垂素相逢乃傾蓋同看艷雪舞盡此威遲態  
借問佩蒼玉何如煮黃精古來澗谷槃價自重連城  
馬疲如客飢稅鞅文公廬人好雪亦好何啻射洪烏

迎陽閣

扶桑有玉書鬱儀善相保朝暎到頽簷危坐填血腦  
予夏中卧病起已見落葉因取淵明詩門庭多  
落葉慨然知己秋賦十章遣興

西嶺障斜日澄江來遶門歸鴉千萬點暝色入遠村  
燕坐修白業焚香觀黃庭清霄降真侶弭節或見聆  
境靜輪鞅寡堦空絡緯多蕭然正遐矚晚葉下庭柯

我初卧病時桑麻翳負郭扶杖延秋風山川俱黃落  
寒溫機中素榮歌洞庭葉發興鷗鳥行風煙理舟楫  
平生老驥心伏櫪端有在華月生夜涼南窓歌慷慨  
園中有奇貨雨滿瓜芋田一飽吾已足望山思悠然  
結交何用早士貴心相知苟合殊真味吐吐成乖離  
林廬亦云樂欲語輒復已取琴撫徽絃妙不在宮徵  
沅湘歌九辯梁父吟四愁虛齋無一事坐對楚江秋

六言絕句

太平小寺

行盡斜峰急澗忽看化寺神居雲瑣沉沉複閣旁看貝  
葉遺書

昌書記畫梅

花柳春風紛行禪窓晚放橫枝號國生憎粉黛晚粧淡  
掃蛾眉

夜坐蕪戲環上人

蠹簡聊寬岑寂榴花頗慰榛蕪莫問草玄尚白須令看

碧成朱

毛髮早驚蒲柳衣裾又變風烟我是一丘一壑君應三要三玄

落木霜猿到耳風高候鴈橫空覓句深憑料理解圍俄聽晨鐘

昌書記畫馴猿

巫峽猿啼向曙云何却在樊籠想見珍羞豢養翻思柵葉微風

七言絕句

庭梅

春風日日下丘園綠到萱芽蕨破拳莫怪庭梅晚來好尚堪桃李與爭妍

寄贈擇言兩絕句

憶昨同傾三昧酒論文時撥百家衣他年準擬蘭亭會好畫高人走遁師

逍遙儒墨兩專場萬遍蓮花嫁馬郎心舌死灰詩欲盡

乞僕西國更生香

擇言與參寥相厚善  
故戲作吳語戲之

舍弟彤檢校南庄刈稻中秋日作三絕句見寄

醉後偶次其韻答之

天南雲破玉繩橫  
上有蟾蜍雲外明  
共把一椀懷少雁  
新詩深悉未歸情

呼憐貫酒酒如水  
以酒攻愁愁有城  
醉舞不須看短舞  
神清便覺映膚清

珍重江南庾子山  
詩名晚歲滿江關  
應須剝讀書千卷

始在班揚伯仲間

答徐十贈詩三絕句

東湖高士有雲孫  
句夢池塘論過秦  
海內故人流落盡  
病夫杯渡不嫌頻

窓中山色撲衣襟  
戶外江聲醒客心  
我在山陰君在剡  
思君行坐短長吟

爐薰細細繞禪房  
竹日暉暉映短牆  
安得買鄰同歲晚  
鉢盂分飯共繩床



答謝邁秀才三絕句

飽聞玉樹埜遊長今見凭虛意欲仙  
遣我池塘夢春草  
阿連風味劇堪憐

短李門前無寧馨書淫詩癖類天成  
多情喜有謝康樂  
步屨同尋鷗鳥盟

平生抱瑟齊門立不比吳宮誇靚粧  
周鼎商盤甚溥古  
君來獨慰九回腸

答黃直夫二首

紅顏綠髮花映肉別去年顏存語音秉  
燭相看真夢寐  
細聽存沒欲薰心

筆底瀾翻走百川胸中書傳作豐年  
自憐疲馬老伏櫪  
絕影如公更着鞭

次韻答九弟首夏郊園即事

疏泉方鑿薜蘿深月落參橫要共斟  
徑醉逃禪真祭可冥  
搜得雋近韓岑

阿連句裡欲回春早慎論文思不羣  
莫願才堪任遺補

來參折臂大馮君

營巢燕子語猶新接葉鶯雛已晚春催曉烏鳥聲更樂  
直疑料理廢詩人

何須痛詆程不識未用親摩史謁居昔時萬事愁眉外  
頓覺幽懷常晏如

再次韻

嬾覓新詩勸春住只愁塵爵每空斟餘酣晚漱沙汀外  
未羨明登天姥岑

陳恬老作中州客小室曉猿聲念羣通籍金閨成底事  
看取九原冥漠君

古木千章夏陰合甕頭別作醉鄉春草玄不是揚雄事  
定自免為投閣人

種葵藝瓠成畦壠竒貨由來果可居漢代封君渾未稱  
故侯風韻擬相如

元亮次韻四絕相撩和答

枕中鴻寶裹蹄金火候曾經手自斟瓠子河傾那可塞

忍令清餓首陽岑

少陵獨見阮生論我樂窮鄉獨樂羣  
兩阮八龍渾可擬操戈披靡獨輸君

久知甕底堪肥遯近覺樽中每着春  
狗竇相呼竟何補獻酬故屬畫眉人

仲子酒狂言語踈文章敢比茂陵居  
未見遠山湛病渴直愁滌器枉相如

清明

汀草汀鷗解喚愁舍南舍北度鳴鳩  
深甍竹葉留春住未信桃花逐水流

高柳半天渾欲眠二毛苦上接籬邊興  
深杯杓懷山簡勾夢池塘憶惠連

晚將麴蘖寄吾真不道公當恕醉人  
欲學少年花壓帽却疑花笑及花喚

登耶舍塔

五峰羅列斗南垂百代堂堂歌紫芝  
一老去為西伯用

四翁應笑北山移

春意三絕

屋角鳥呼春意回江花江柳自相催廢詩詩思澁如棘  
勾引無勞酒作媒

裁雲為柳雪為花惱亂中年春意賒庭宇風微教馴鶴  
池塘日暖浴嬌鴉

日日映堦春草香春風到處着胡床梅梢何許蜂釀蜜  
來採幽園宮樣黃

題溫泉

能使時平四十春開元聖主得賢臣當時姚宋並燕許  
盡是驪山從駕人

暉上人畫梅乞詩

微風正爾送荷氣忽見鞏梅冰霰姿元是道人三昧力  
明憲潑墨發南枝

西塔

峰前日出霧初散路上雨來禽亂啼欲記曾遊三峽處

詩成賴有董膠西

睡起

林間穉竹猶含籜柳下孫枝屢放綿  
午夢不知清晝永  
嬌鶯啼破晚窓前

奕奕柔桑霜後繁  
綠絲無復重  
盆翻願同園客  
重如糞  
忍使疲民無複禱

烏雀雄猜作伴飛  
機心還復墮  
危機何如絢練堂前燕  
拂面銜泥點客衣

穉麥翻畦雉雨斑  
郊園貰酒有餘歡  
奈何苦雨傾滄海  
坐遣南翁衣帶寬

石闕林端晝夜啼  
羅生芳草綠成蹊  
扶筇携幼出門巷  
雨過舟橫水滿谿

戲贈行客上人

東風未解北風溫  
臘雪半消春雪深  
欲向僧房覓清晝  
細聽山暝孤猿吟

次李儀中韻送杲上人歸龍安



不作郊原雉應媒心隨山色翠成堆翩然一鉢自歸去  
有意杖藜還復來

訪僧

茗盃薰爐久不來晚猿夜鶴總相猜故將野老扶衰杖  
踏破僧家稱意苔

戲贈嗣譽二首坐

談禪高出為仰右著論恥居生肇傍更有新詩堪抵罪  
與君約法定三章

僧中君是玉花驄氣逸渾將入古風欲向松窓翻妙語  
愧無筆力到房融

病中即事

懶慢經時不出門秋風藜杖稍相親念羣屬玉鳴碕崖  
作伴蜻蜓上角巾

病厭鵝兒酒色黃蔬盂終日似僧房馴猿時復攘新菓  
夕鳥飛來啄蠹床

初無勾漏為丹砂何必青門始種瓜口腹累人吾豈敢

深勞溪友餉魚蝦

啼鳥引子來衣桁野鷺銜魚墮屋除百念已忘餘習在  
手持叔夜養生書

利口毀譽本無嫌空洞腹中須屬厭何用灞陵嗔尉醉  
未勞漢署歎郎潛

畦間魁芋敵蹲鴟木末深懸大谷梨小摘已堪充米價  
煨嘗聊用補朝飢

絡緯井幹空復啼蕭然脫葉望秋哀最憐庭下婆娑檜  
鬱鬱已含棟梁姿

失題

草閣柴扉舊逐涼蘋風一曲洒迴塘尚餘新月張敬畫  
無復么荷韓壽香

籬邊日出撫孤松戶外雲生遮數峰避冷隨陽聞過鴈  
催昏喚曙聽疎鐘

寒鴉銜枝欲定巢近同客食上林稍能逃歲德安門戶  
出處懸應不浪交

紛紛眼界禿居士却著雲山壞衲衣箴孔綫蹊無量義  
誰能于此頓知歸

秦郎本是金閨彥撰次曾為仙董狐西狩獲麟雖絕筆  
道山今日要真儒

韓侯數竒亦云極奈此風流英妙何傳聞東觀已著作  
即看西掖與鑿坡

廬山道中

無復春風綠髮前索花共笑過年年只今老境花無賴

媒蘖幽人作醉眠

崇桃灼灼炫清晝細柳依依迷遠村似聽淵明賦歸去

柴桑幽鳥語黃昏

三年不飲虎溪水一笑來嘗鷹爪芽岑寂仲堪談易地  
祇餘蒼蘚藉殘花

董仙種杏令虎守只今但見蓮花峰鍊師欲作小隱計  
餘力猶堪追祖風

憶昨山陰峰上頭山腰雲雨半含愁蒼崖壁立題名處

光怪時時射斗牛

蕭杙齋中天馬駒追風未試且幽居劇談挽我留三日  
不費一鴟傳異書

不識西湖林處士飽聞陰木叫鈎輶茂陵遺藁今應在  
索價雖高未肯酬

英姿秀骨徐尚書忠義丹青那可圖褒鄂真成毛髮動  
猶將生氣壓曹蜍

北齋兩絕句

芭蕉葉大雨聲催葉底繁花菌蠢開欲據胡床呼作炙  
膳夫何用探心來  
煙莎茂密小池塘注水枯荷馥晚涼何許蜻蜓立荷蓋  
驚飛作伴過東墻

對雪有懷廬山道中

傍窻幽鳥語忽忽雲陣羣山雪輒風信有農談四隣久  
隔籬煙火醉眠中

自和六絕句

麗日暄風下大荒  
百花氣暖漢宮香  
携幼來尋竹間寺  
游絲寂寂繞迴廊

金屑琵琶刺繡裙  
絃絃軟語怨昭君  
仍年病著屏梧盞  
酒興多于出岫雲

水荇蘆芽相締經  
倦飛翠碧暫來停  
含毫未下無新句  
安得毫端飛迅霆

蛙鳴廢沼弄妍姿  
破夢起看星斗垂  
度曲安能高鼓吹  
麗仄那復計官私

邊腹從來不貯愁  
歸鴻目送頗悠悠  
三吳何用憂狼顧  
一戰行看擒狗偷

二季蒼顏催我老  
年過四十眼猶明  
細字未能妨老讀  
每逢佳處勝專城

再和

清朝畫省得名郎  
嚼麝高談百和香  
水鏡欣傳佳吏部  
更須端委侍巖廊

仇池仙伯煙霄外  
妙出湖州寫墨君  
畫永虛齋風動壁



枝枝葉葉欲生雲

劉侯白髮續羣經原夜憐渠不少停齋恨沈王今已矣  
那知為電復為霆

珪璋挺特晁夫子家法文章萬代垂却袖當年醫國手  
磨鈇起例只營私

且復持觴歌莫愁點衣柳絮晚悠悠要知境靜自心遠  
不是年衰成語偷

平生愛花被花惱况復雜花川上明劍外叅謀詩滿眼  
乞靈何必錦官城

同季敵弟過南岸野寺

楊花糝徑雪繽紛短艇橫江煙草昏小鴈俱來覓春事  
情知春過水南村

數日陰雨懷李生

衣裾蘭茝有餘清風骨冰霜照眼明欲共阿戎談絕倒  
亦憎暮雨滴堦聲  
文楸玉子知無敵愧我元非王積薪願賦煙茶不堪剪

錢文四庫全書  
卷九  
風流人物不無人

燕領應須遊玉關  
歸來綠髮看峨冠  
他時爛醉紅鸚鵡  
更跨追風烏賀蘭

戲刻真牧堂竹間

風微雨細花梢動  
日落鐘鳴雀語多  
未有池塘春草句  
戲成戶外竹枝歌

小憩琵琶亭呈環中養正

南樓岑絕冠湖外  
舉扇每避元規塵  
庾公樓下落帆處  
掀簸定為公所嘆

超超邁俗郭有道  
育孤事發如古人  
莫言壁立貧至骨  
雞黍自是延嘉賓

山南獲落蘇季子  
飲作江湖雪陣來  
想到詩腸應作祟  
挽回妙語如瓊瑰

戲呈子蒼

一杯相屬步兵酒  
三疊共聽中散琴  
有慨余心成獨寫  
兩餘汀草晚來深

山郭遇鄭禹功行縣

廣文官冷飯不足行縣符移祇屢催邂逅班荆作吳語  
風姿峭峭絕纖埃

清曉登無相浮屠上有東坡書

窈窕龍蛇穴窟寬淮山楚水繞欄干儋州宰木應搖落  
八法猶參星斗寒

舟中戲作俳體

皓齒青娥倚柁樓楚波微動晚風秋不辭自去迎桃葉  
兩槳還須送莫愁

目成可意亦不淺思是羅敷舊姓秦莫道使君自有婦  
願為解佩漢皋人

茯苓

憶昨舍邊松雪明於今偃蓋入青冥何時容我攜長鏡  
翻動龍蛇取茯苓

欽定四庫全書

日涉園集卷十

宋 李彭 撰

七言絕句

老坡自海外歸為書簡寂觀雲卿閣榜今為煞  
風景者毀之

筆底颶葉吹海波榜懸鬱鬱照巖阿十年呵禁煩神物  
奈爾焚琴煮鶴何

戲書

虐雪餐風春事晚輕紅未放入天桃  
即看倚杖花經眼  
便許堆盤黍雪毛

晴簷已復聽提壺濁酒聊堪釋  
荷鋤短短長長愛園柳  
三三兩兩數谿魚

洪井寒泉徹底清不容私地有蛙鳴  
修除何獨充庖易  
要看箝龍將雨行

止酒廢詩春晝長頗知易戒復難忘  
戲於窓下還詩債  
便欲花前喚索郎

次韻文替立春三絕

臘前漏泄有官梅春色懸知裏許回  
日涉園中聊步屨  
黃菘早韭復爭開

后皇司春生意還無知草木亦斑斑  
顧憐綠髮添白髮  
羞挿耐寒花上幘

舉酒徵賢且合姻盤飧野菜鬪嘗新  
陽春有脚今誰是  
始覺前朝貴老身

延福寺



尋盡雲山發興多稍知蘭若在巖阿不以姬姜棄憔悴  
杖藜聊復一來過

齊安江頭別何氏兄弟舟中得四絕句

疎星牢落散江東悵望夷猶醉眼中長年三老相欺得  
故將短棹指西風

八字山頭閱世故周郎赤壁斷人腸玉魚金枕皆冥寞  
鐵騎樓船墮渺茫

樂羣野鷺巧相依旁母鳧雛肯浪飛怪底相連若耆舊  
無人花鳥自忘機

巖巖五老古鬚眉似對幽人歌采薇漢事煩公即調護  
蒲輪飛詔盍來歸

留別小慶

風催萬壑雨歸去雲閉連峰不放晴門外從教春水濶  
杖藜隼擬聽江聲

二絕

過盡柳花無復綿幾畦麥浪漲晴川幽禽喚起醉鄉夢

疑在故園茅屋邊

生綃他日寫荒寒咫尺渾如萬里寬我據筍輿煙霧裏  
有人應作畫圖看

對酒二首

頗欲持觴為上頓直疑買醪成大偷盎中麴蘖可肥豚  
不比終南猿鳥愁  
雄猜刻薄王處仲不飲思欲誅娥眉何如一醉睨萬物  
小黠向來成大癡

夢秦處度持生綃畫山水圖來語予此畫劉隨

州詩也君為我作詩書其上夢中賦此詩

隨州句法自無敵寫作無聲絕妙詞誰料長城千載下  
秦郎復出用偏師

歲晚四首

天長候鴈作行遠沙晚浴鳧相對眠松醪朝醉復暮醉  
江月下弦仍上弦

汪侯胸次濶瀟湘秀潤清時符寶郎謝宇窓間仍發興

敬亭山下屢成章

苦憶中州向子期  
微官鐫盡賦新詩  
清班未許睽天仗  
直指聊看着繡衣

眼看楊柳漲春風  
忽復山明雪映松  
但把一尊扶醉病  
何須三揖送文窮

茅堂清坐有懷元亮

不到青園三月餘  
行間茂密見新蔬  
最憐鼠迹生塵案  
復有潛筠穿我廬

有懷雪堂舊游

雪堂楊柳三五株  
堂裏先生萬世無  
伐樹何人成糞土  
如聞築屋復棲烏

柱史秦郎無檢幅  
筆端真有大夫辭  
追懷耆舊誰能繼  
况復賞音黃絹碑

張侯瞻蔚氣如虹  
字字追還西漢風  
歆向俱為泉下士  
辭林正派絕流通

陳子真成病秉黃  
園丘一仆殆堪傷  
苦吟幽語多奇澁

未免人譏急就章

柯陂潘子骨已冷文采風流付陸雲不見十年應好在  
酒澆邊腹貯皇墳

珍重何家大小山高文麗賦敵楊班書來慰藉江頭別  
想見園林人外閒

離曲池憩巾口

小泊曲池桑柘陰遠墻岑寂伴高吟孤雲兩角真在夢  
一抹寒林古木深

野僧亦復稻畦衣兩兩三三巾口歸拂拭涪翁刑部句  
晚風吹泪對斜暉

物色真成行畫圖十年對面不供書才慳更著李商隱  
無復重譏懶祭魚

林占處士和靖先生之孫也與子厚善今死矣  
作兩絕句弔之

愛君渾似金華客謂我猶堪供奉班蕭寺愚溪兩冥冥  
一尊聊復對西山

危脆芭蕉何足道姓名今不減西湖茂陵遺藁他年在  
曾有書言封禪無

久不得六弟消息二絕

去日么荷拳未舒水花高蓋已扶踈大醫法窟應尋徧  
有底能忘一紙書

平生大敵劉文叔每發一兵鬢為蒼不得淮南近消息  
蕭然添我鬢毛霜

遊雲居寺三絕

茗椀薰爐久不來曉猿夜鶴總相猜故將野老扶衰杖  
踏破山家稱意苔

去年重失洪崖約今日又寒徐穉盟勝日幽期無惡客  
尋僧銀色界中行

燕坐身遊水晶城夢回心淨玉壺冰更聽夜雨簷花落  
却是細泉幽竇傾

代二螯解嘲

臞儒他日倦龜殼蛤蜊自可破愁顏不是二螯風韻好



那堪把酒對西山

解嘲

平生癡絕百無憂  
黨友相嘲顧虎頭  
癡黠胸中各相半  
要之與我不同流

丘林久矣自耘耨  
罕識心勞瓜芋區  
不復論文傳幼婦  
安能索筆著潛夫

西隱觀

書籤無復梁蕭統  
像設空餘譚紫霄  
馴鹿將麈眠藥圃

歸雲帶雨度山椒

離豫章進賢道中

春在江村桑柘中  
多情十日雨兼風  
杜鵑北向勸歸去  
我為故人聊欲東

招隱亭

裊裊秋風生桂枝  
小山巖壑石逶迤  
王孫歸去歲將晏  
莫笑臞儒炊廢庖

鄰雞

鄰雞午唱靜中譁  
挾雨蒼苔傲落花  
已覺星星鬢邊出  
真成一倍惜年華

醉中戲次師言韻兼簡少逸

不覺龐公隱鹿門  
逢場作戲任吾真  
風烟久著雙蓬鬢  
脫帽公應恕醉人

筆下疾雷驚四鄰  
勒兵小試頌新聲  
司空城旦餘波爾  
六籍紛綸井大春

往日風流京兆眉  
却穿習簿敗荷衣  
新詩渾作鶯花語  
只欠天街便面歸

愧乏金椎控頤手  
偷兒何苦向人來  
囊空四壁亦云靜  
祇有丹鉛勸玉杯

次韻九弟過炭婦無懷微公之句

阿連衝曉絕江濱  
驚起汀鷗鶯羣不為營  
巢祇覓句  
真成拄齒玩幽雲

頭陀雲外見遥岑  
爭似歐峰雲物深  
想見伊蒲欲為供  
波生茗盃憩墻陰

次韻九弟幽園即事

萬事向來元不理非關軒傲故相違  
幽園把菊初無恙未歎將蕪胡不歸

孰知卜築野人居飽聽鄰鐘與粥魚  
便覺悠悠雲入座只無瀼瀼水鳴除

次韻正平見贈道子游山北勝處

山南山北似壺天雨宿風食近日邊  
噉噉猿啼石門路此身渾是謝臨川

佳句全勝顧虎頭千巖萬壑斬新秋  
歸來把玩無窮意始信遙天寄客愁

次韻九弟五絕句

遠韻會須真邁往高懷那用太分明  
病夫閱世蓋多矣說病由來非妄情

草際窻間蟋蟀鳴愁來無路敵方城  
却憐郢客悲秋賦強使微雲滓太清

谷水為簾映暮山珂珠貝玉妥天關  
傳聞小陸同支遁

游戲蒼崖鉅壑間

沙鷗日日滿蘋汀白髮忘機不復驚何處暮帆來浦口  
昔人飛帶喚雛聲

橘花漠漠玉花深屢起微霜落瓜心喜有青黃着籬落  
千頭未羨滿寒林

哭尚書墓

過家上冢非無子宿草孤墳獨可悲賴有立朝莊語在  
不勞諛墓作銘詩

種竹當年語尚新藏山萬卷總成塵牙籤知落誰家去  
往事淒涼欲損神

遊雲居四絕

雞林磨衲度憤溝海外風煙在上頭箴孔線蹊誰善幻  
千壑萬壑斬新秋

懸崖怒瀑落龍湫恰似王師破蔡州續蔓沈竿空莫測  
石魚酒舫未應求

壞衲槃跏玉澗翁負霜禿鬢頰暎紅時時口占東坡語

頓覺曹劉力未工

冉冉山雲低度墻  
涓涓流水響長廊  
不緣抱病關鬪冷  
早賦式微綠底忙

寄鄭禹功魏虞卿

杖藜徐步倚柴扉  
園柳青青馬尾垂  
日暖遊絲縈落絮  
黃鸝銜得上高枝

衆草風來俱掩冉  
驚紅駭綠鬪年芳  
崇蘭秀發北窓下  
燕坐時聞自在香

苦憶茗溪鄭廣文  
足驚毫翰獨超羣  
山南飽看懶行縣  
笑殺無心出岫雲

虞卿再見封萬戶  
三語掾曹駒伏轅  
北海會須加慰薦  
橫空一鷲看騰騫

蕭子植寄建茗石鮒  
石脂潘衡墨且求近日詩

作四絕句

寶犀新勝面巖冷  
碾出壑源春雪花  
何用纖纖捧渠椀  
絕勝片片酌流霞



良工刻削類方城煮茗細看秋浪驚未許兒曹輕度量  
豈容奴輩笑彭亨

蒼崖絕壁長瓊腴靈府煩蒸藉掃除老楮羣雞甘下筋  
平龍左耳避珍蔬

遠竈積烟烟更多絕人妙手不同科蕭郎餉我客卿輩  
遠愧山陰書換鵝

寄臨川諸舊兼悲二謝

晏如雅贍志沉鬱詩語松風萬壑哀皮裹陽秋能刺舉  
眼邊青白免嫌猜

董侯本是古沉冥風味澹然雲水僧見說修門和氣滿  
何用涉江歌採菱

何侯嗜學黃鸚舉謝客哦詩丹鳳鳴急雪異時登擬峴  
放歌何日酌宣城

半岳推峰憐二謝孤墳宿草已蒙茸自歎蔡邕今老矣  
銘言獨不愧林宗

寄何氏兄弟

病語無心復惜秦護持白業五臺賓往時赤壁好風月  
俱助兩郎詩句新

青州從事懶行縣白水真人不造門時作藥山遮眼計  
尋僧煮茗過祇園

次韻山谷寄賀鑄

平生賀監毛髮古風流歎詠付御盃賴爾雲生亦不惡  
山陰氣味換仍回

淮海維揚萬人傑松吟宰上不能杯雖無賈傳過秦論  
猶有清歌慰九回

客廬山道中寄中上座

谿山軒豁逐時新草樹欣欣雨後春弄水看山添野興  
可憐魚鳥自相親

著行官柳拂人低勾引風光挽客衣正是斜川春事起  
翻思帶月荷鋤歸

紫霄獨立冠遙岑靜愛雲無出岫心見說危梁耿大壑  
欲招惠遠與同尋

顏魯公祠

心正能令筆不軟銀鈎猶冠古今奇凜然一代英靈氣  
猶似當年罵賊時

鄰寺遣興三絕句

蠻花簾冷春氣分午醉醒尋野寺門黃落遠林供倚杖  
却疑殘照是朝暾

映堦駁蘚漫層層古柏連峯上老藤梵鼓粥魚今落莫  
半歸官焙半殘僧

修源一帶碧灣環上有江西淡圻山便覺心塵雙寂寞  
不愁騎省鬢毛斑

遣興兼寄豫章二弟

國士無雙有山谷斗南獨步憶秦郎鸚鵡洲前多勝日  
古藤陰下夜何長

獨持杯杓酌先酒遺我此物忘百憂乞靈鮑謝共傾倒  
况復隔窓懸玉鈎

龍沙季子在原樂不肯附書黃耳來滕王閣上覓佳句

鐵柱觀頭行幾迴

即事

勸聽戍鼓擊銅龍  
卧待當軒葉底風  
暝鳥忽穿明月去  
直疑便面寫歸鴻

左界明河夜未央  
輕風灑面作微涼  
藏舟枉楮者誰子  
款乃歌聲短復長

紛紛著作能上馬  
袞袞紫微俱斲宦  
韓侯遽綰銅章去  
豈坐雙流帶一江

我觀之子秉周禮  
要使諸儒識漢儀  
側席求賢天子聖  
未容澤畔弔湘纍

眼看花霧共衣霏  
已有羣鶯窻上飛  
心事但隨春事盡  
鐘聲更伴鳥聲微

醉書

醱醱奪目表春餘  
閒雅雍容亦甚都  
睥睨園林衆芳歇  
持觴耐久作歡娛

稚子滿林春笋生  
殘花老境尚多情  
瀟灑封侯真有自

錢氏山房全書  
卷十  
奇姿未讓惑陽城

湛湛胸中萬頃陂  
翻疑淺器是牛醫  
從來未許愁知處  
願肯因愁移面皮

送溥軾二上座

密掩柴門斷還往  
道人履迹破蒼苔  
青燈相對語離夜  
况復打窓風雨來  
上人定自有佳處  
眉宇翠氣連湖山  
烟邊候雁看行急  
力挽不留相與還

漫興

真牧堂前花草新  
舍南移就一番春  
非關瘠魯欲肥杞  
直恐強齊將弱秦  
梅花冷蕊發疎枝  
雲斷天南放日暉  
亂折寒柯有雙鵲  
唧將綴作百家衣

翻經臺

五千餘卷在高臺  
內史翻時蠟屐來  
夢斷池塘人不見  
年年春草綠成堆



幽園風雨

妙手春工如畫史  
鵝溪百幅掛城隅  
却將李成驟雨筆  
掩映邊鸞花鳥圖

竹間兩絕句

鳥聲催得青青老  
花氣渾忘白髮新  
誰復能尋三徑友  
信知真是五臺賓

何許晚鐘烟雨餘  
花間蛺蝶舞蘧蘧  
莫將絕壑激流齒  
戲誦文園封禪書

自西林投宿歸宗

江都著足寫餘酣  
頗怪朝暉變夕嵐  
我與諸峰俱是畫  
解隨歸鳥過山南

補遺

魏鍊師四松畫軸

按此下七首據玉澗小集補入

四松在澗壑  
歲晚乃更奇  
蕭然如黃綺  
傲岸不可追  
誰將談天口  
掉舌聊見移  
由來拂東絹  
寫此霜雪姿  
便有松上雨  
催我窻間詩  
翻思斲青冥  
採藥堪扶衰  
當年丹

青手開闢造化隨既有圮下約子行何後期

徐叔明校書篆筆奇古復善丹青為予作漢江

暮靄扇材極妙力求鄙句作此以贈

曩時徐騎省篆古逼秦相後來得仍孫毫端溟渤壯能  
回頓挫姿丹青生意匠餘酣寫便面萬里煙莽蒼何許  
捕魚郎落日蕩雙槳無勞剪吳淞安用買疊嶂真欲老  
是間塵境孰非妄憐君俱入妙簡遠復清曠定為造物  
嗔覓句聊分謗

夢訪友生

少年結客長安城妄喜縱酒同章程支離老去一茅屋  
枕書卧聞長短更友生相望止百里寒夜寥閨無微聲  
夢中乘輿輒見戴剡溪聊爾扁舟行覺來蘧蘧一榻上  
不用僮僕爭驩迎吹燈弄筆欲書寄窓前白月方亭亭

唐明皇夜遊圖

開元御極垂衣裳登三成五凌羲皇白環重譯銀甕出  
卜夜遨遊離未央香車鬪風秦與號羅帕覆鞍真乘黃

赭袍錯落綴北斗步輦優游金縷觴寧王玉笛上霄漢  
御路花光爭月光汝陽羯鼓綃帽穩打徹參旌低建章  
太真霑醉玉歌側力士傳呼聲渺茫翠釵掛冠紅粉粧  
金貂貫酒白面郎君臣玩狎樂莫比清禁喜聞宮漏長  
若令姚宋坐廟堂袖中諫疏神揚揚萬里橋邊行幸處  
後世龜鑑懷苞桑

題駒父家江千秋老圖

江風颭颭江水寒蘆洲雁下生微瀾漁翁夫婦不能語  
津吏醉倒船着灘其旁病夫坐箕踞持竿萬事那復顧  
懸知寧斷嬌兒乳不及冥鴻及飛鷺

都城元夜


斜陽盡處蕩輕烟輦路東西入管絃五夜好春隨步暖  
一年明月打頭圓香塵掠粉翻羅帶宓炬籠綃鬪玉鈿  
人影漸稀花露冷踏歌吹度曉雲邊

望西山懷駒父

去歲湖湘賦凜秋聞君江國大刀頭百年會面知幾遇

十事欲言還九休  
照眼遙岑落懷袖  
過眉拄杖立汀洲  
莫言青山淡吾慮  
誰料却能生許愁







日涉園集十卷

宋李彭撰

清乾隆翰林院抄本

二冊

本部书完

书 号 5873

本片卷含